



অবিলম্বে প্রকাশের উদ্দেশ্যে: 5/2/2023

গভর্নর ক্যাথি হোকল

গভর্নর হোকল নিউ ইয়র্কবাসীদের জন্য প্রজনন সংক্রান্ত স্বাস্থ্যসেবা পাওয়ার সুযোগ সম্প্রসারিত করার জন্য বিধিমালার প্যাকেজে স্বাক্ষর করলেন

বিধিমালা (A1060-A/S1043-A) ফার্মাসিস্টদের ওভার দ্য কাউন্টার জন্মনিরোধক বিতরণ করার অনুমতি দিবে

বিধিমালা (A1395-C/S1213-B) নিশ্চিত করবে যাতে SUNY এবং CUNY ব্যবস্থার সকল সরকারি কলেজ ও ইউনিভার্সিটির ওষুধের মাধ্যমে গর্ভপাত করার সুযোগ থাকে

গভর্নর ক্যাথি হোকল আজকে স্টেটব্যাপী প্রজনন সংক্রান্ত স্বাস্থ্যসেবা পাওয়ার সুযোগ সম্প্রসারিত করতে এবং দেশের প্রথম নিরাপদ আশ্রয় স্টেট (Safe Harbor State) হিসেবে নিউ ইয়র্কের ঐতিহাসিক অবস্থানকে পাকাপোক্ত করতে মুখ্য বিধিমালায় স্বাক্ষর করলেন। [2023 স্টেট অফ দ্য স্টেটে \(State of the State\)](#) প্রদত্ত রূপরেখা অনুযায়ী, গভর্নর হরমোনাল জন্মনিরোধক ওভার দ্য কাউন্টারে উপলভ্য করার মাধ্যমে এটি পাওয়ার সুযোগ সম্প্রসারণ করতে বিধিমালা (A1060-A/S1043-A) এ স্বাক্ষর করেছেন, যা বিশেষ করে প্রান্তিক জনগোষ্ঠীকে সহায়তা করবে যাদের হয়তো কোনও প্রাথমিক সেবাদানকারী নেই কিন্তু স্থানীয় ফার্মেসিতে যাওয়ার সুযোগ রয়েছে। এছাড়াও নিউ ইয়র্ক স্টেট ইউনিভার্সিটি (State University of New York, SUNY) বা নিউ ইয়র্ক সিটি ইউনিভার্সিটির (City University of New York, CUNY) কলেজে ভর্তি সকল শিক্ষার্থীর যাতে ক্যাম্পাসে ওষুধের মাধ্যমে গর্ভপাত করার সুযোগ থাকে তা নিশ্চিত করতে গভর্নর বিধিমালা (A1395-C/S1213-B) স্বাক্ষর করেছেন।

"যখন অ্যান্টি-চয়েস চরমপন্থী এবং বিচারকেরা দেশব্যাপী গর্ভপাতের অধিকারকে পিছিয়ে দিচ্ছে, আমরা তখন নিউ ইয়র্কে এর বিরুদ্ধে লড়াই করছি," **গভর্নর হোকল বলেন।** "গর্ভপাত এবং প্রজনন সংক্রান্ত স্বাস্থ্যসেবা পাওয়ার সুযোগ সুরক্ষিত রাখবে ও সম্প্রসারিত করবে এমন ল্যান্ডমার্ক বিধিমালায় স্বাক্ষর করতে পেরে আমি গর্বিত। আমার নজরাধীনে নিউ ইয়র্ক যাতে সেবার প্রয়োজন থাকা সকলের জন্য একটি নিরাপদ আশ্রয় হয়ে থাকে তা নিশ্চিত করা আমি অব্যাহত রাখবো।"

নিউ ইয়র্কের অ্যাটর্নি জেনারেল লেটিশিয়া জেমস বলেন, "দেহ আপনার, এবং এখানে, নিউ ইয়র্কে সেই ব্যাপারে সিদ্ধান্ত সর্বদা আপনারই থাকবে। দেশজুড়ে চরমপন্থীরা যখন আমাদের একদম মৌলিক মানবাধিকারে নির্মম আক্রমণ করে যাচ্ছে, তখন আমাদের মহান

স্টেটে আমরা যে প্রজনন সংক্রান্ত স্বাধীনতা রক্ষার্থে প্রতিদিন যে কাজ করছি, যার মধ্যে রয়েছে জন্ম নিয়ন্ত্রণ পাওয়ার সুযোগ বৃদ্ধি করা এবং সকল SUNY ও CUNY ক্যাম্পাসে শিক্ষার্থীদের জন্য গর্ভপাতের ওষুধ উপলভ্য করা, তা নিয়ে আমি গর্বিত। অতি গুরুত্বপূর্ণ এই বিষয়ে নেতৃত্বদানের জন্য গভর্নর হোকল এবং স্টেটের আইনসভাকে ধন্যবাদ। সকল নিউ ইয়র্কবাসী যাতে নিজেদের দেহ সম্পর্কে নিজেদের সিদ্ধান্ত গ্রহণ করতে পারে তা নিশ্চিত করতে আমরা একত্রে লড়াই চালিয়ে যাবো।"

সিনেটের সংখ্যাগরিষ্ঠ নেতা অ্যান্ড্রিয়া স্টুয়ার্ট-কাজিন্স বলেন, "নিউ ইয়র্ক কখনোই প্রজনন সংক্রান্ত স্বাধীনতার সুরক্ষাকে ভাগ্যের উপর ছেড়ে দেয়নি। এখানে এবং দেশজুড়ে কয়েক মিলিয়ন মানুষ যেই সংস্থান ও সেবার উপর নির্ভর করে তা নিশ্চিত করতে আমরা সর্বদা সক্রিয় ব্যবস্থা গ্রহণ করেছি। গর্ভপাত সেবা এবং SUNY ও CUNY ক্যাম্পাসগুলিতে ওভার দ্য কাউন্টার জন্মনিরোধক পাওয়ার সুযোগ সম্প্রসারিত করতে আমাদের কাজ হলো সেই লড়াইয়ের সর্বশেষ বিজয়। বিশেষ করে সেবার অভাবে কাউকে যাতে স্কুল ছাড়তে না হয় বা কারো শিক্ষা যাতে বিঘ্নিত না হয় তা নিশ্চিত করার ব্যাপারে এই ব্যবস্থাগুলি অনেক সাহায্য করবে। আমাদের প্রজনন সংক্রান্ত অধিকারের জন্য নিউ ইয়র্ককে একটি গন্তব্য স্টেট করে রাখতে সাহায্য করার জন্য আমি গভর্নর হোকলকে ধন্যবাদ জানাচ্ছি, এবং এই প্রয়াসগুলিতে সিনেটের ডেমোক্রেটদের চলমান প্রতিশ্রুতির প্রতিজ্ঞা করছি।"

অ্যাসেম্বলি স্পিকার কার্ল হিস্টি বলেন, "দেশব্যাপী আমরা দেখতে পারছি যে অ্যান্টি-চয়েস চরমপন্থীরা নারীদের নিজেদের স্বাস্থ্যসেবা সংক্রান্ত সিদ্ধান্ত নেওয়ার সুযোগ কেড়ে নিচ্ছে, কিন্তু আমরা নিউ ইয়র্কে তা ঘটতে দিচ্ছি না। এই বিলগুলি নারীদের জন্মনিরোধক ও গর্ভপাত পাওয়ার সুযোগকে সুরক্ষিত করবে, 2019 সালে প্রজনন সংক্রান্ত স্বাস্থ্য অ্যাক্ট অবশেষে আইনে পরিণত হওয়ার পর থেকে আমরা যেই কাজ করছি এটি তার অনুবর্তী। সকল নিউ ইয়র্কবাসীর অধিকার ও স্বাস্থ্য রক্ষা করার বিধিমালার জন্য আমরা লড়াই চালিয়ে যাবো।"

গভর্নরের [স্টেট অফ দ্য স্টেটের](#) সাথে সঙ্গতি রেখে, বিধিমালা **A1060-A/S1043-A** ফার্মাসিস্টদেরকে কোনও চিকিৎসক বা নার্স প্র্যাকটিশনিয়ারের প্রদত্ত রোগী-নির্দিষ্ট নয় এমন একটি স্থায়ী আদেশ অনুযায়ী ওভার দ্য কাউন্টার জন্ম নিরোধক বিতরণ করার অনুমতি প্রদান করে। সিনেটের টবি অ্যান স্টাভিস্কি এবং অ্যাসেম্বলি সদস্য এমি পলিনের নেতৃত্বাধীন এই বিলটি রুটিন ওষুধ পাওয়ার সুযোগ বৃদ্ধি করবে, বিশেষ করে স্টেটের গ্রামীণ এলাকায় যেখানে ডাক্তারের অফিসের থেকে ফার্মেসি বেশি উপলভ্য। এছাড়াও বিলটিতে রোগীদের স্বাস্থ্য রক্ষার জন্য যথাযথ সুরক্ষা রয়েছে।

স্টেটের সিনেটের টবি অ্যান স্টাভিস্কি বলেন, "জন্ম নিয়ন্ত্রণ পাওয়ার সুযোগের ক্ষেত্রে নিউ ইয়র্ক স্টেটের নারীরা অনেক প্রতিবন্ধকতার সম্মুখীন হয়। কোনও স্বাস্থ্যসেবা প্রদানকারী নেই এমন নারীসহ সকল নারীর জন্য আমার বিলটি নিরাপদে ওষুধ পাওয়ার সুযোগ করে দিবে। এই বিধিমালাটি সীমিত আয়সহ বা গ্রামীণ এলাকায় বসবাসরত বহু নারীর জন্য লাভজনক হবে, এবং এটিকে আইন হিসেবে স্বাক্ষর করার জন্য আমি গভর্নরকে ধন্যবাদ জানাচ্ছি।"

অ্যাসেম্বলি সদস্য এমি পলিন বলেন, "ফার্মাসিস্টদের জন্মনিরোধক প্রদান করার ক্ষমতা বৃদ্ধি করার মাধ্যমে আমরা এমন অনেকের জন্য জন্ম নিয়ন্ত্রণকে নাগালের মধ্যে নিয়ে আসবো যারা অন্যথায় এই সুযোগ পেতো না। সম্প্রসারিত এই উপলভ্যতা নারীকে নিজেদের পরিবার পরিকল্পনা, শিক্ষা, ক্যারিয়ার ও জীবনের উপর আরো নিয়ন্ত্রণ প্রদান করবে। NYS সিনেটে তার অংশীদারিত্বের জন্য NYS সিনেটর টবি স্টাভিস্কিকে এবং নারী ও পরিবারের সমর্থনে গুরুত্বপূর্ণ এই ব্যবস্থা গ্রহণের জন্য গভর্নর হোকলকে আমি ধন্যবাদ জানাতে চাই।"

সকল SUNY এবং CUNY ক্যাম্পাসের জন্য গর্ভপাত প্রেসক্রিপশন ওষুধ প্রেসক্রাইব করতে পারবে এমন অনুমোদিত ব্যক্তিকে চাকরি দিয়ে বা তাদের সাথে চুক্তি করে অথবা শিক্ষার্থীদেরকে গর্ভপাত ওষুধ প্রেসক্রাইব করতে পারবে এমন অনুমোদিত সেবাদানকারীদের তথ্য ও রেফারেল প্রদান করার মাধ্যমে গর্ভপাত ঔষধের সুযোগ নিশ্চিত করা **A1395-C/S1213-B** আবশ্যিক করে। কলেজ বয়সী ব্যক্তি হলো গর্ভপাত সেবার সন্ধান করার সুযোগ যাদের সবথেকে বেশি সেই বয়ঃগোষ্ঠী। সরকারি ইউনিভার্সিটির শিক্ষার্থীরা যেখানে বাস করে, কাজ করে এবং নিজেদের অবসর সময় কাটায় সেখানে যাতে তাদের কাছে ওষুধের মাধ্যমে গর্ভপাতের প্রেসক্রিপশন ওষুধ পাওয়ার অর্থপূর্ণ সুযোগ থাকে, বিধিমালাটি তা নিশ্চিত করবে। ঔষধের মাধ্যমে গর্ভপাতের প্রেসক্রিপশন ওষুধ অত্যন্ত নিরাপদ ও কার্যকরী এবং এটি অনেক দশক ধরে গর্ভপাত সেবার একটি গুরুত্বপূর্ণ উপাদান হয়ে আছে। পাশাপাশি, ক্যাম্পাসে গর্ভপাত সেবা পাওয়ার সুযোগের প্রতিবন্ধকতা অপসারণ করা হলে তা নিউ ইয়র্কজুড়ে বাহ্যিক ক্লিনিকসমূহের চাপ হ্রাস করবে।

স্টেটের সিনেটর কর্ডেল ক্লিয়ার বলেন, "আজকে আইন হিসেবে স্বাক্ষর হওয়া বিলটি নিয়ে আমি অনেক গর্বিত কারণ এটি সর্বদা নারীদের কথা শোনার প্রয়োজনকে তুলে ধরে। যেসকল শিক্ষার্থী স্বাস্থ্যসেবার জন্য CUNY এবং SUNY এর উপর নির্ভর করে তাদের যাতে নারী স্বাস্থ্যসেবা ও ঔষধের মাধ্যমে গর্ভপাতসহ প্রজনন সংক্রান্ত সেবার সার্বিক ব্যাপ্তি উপলভ্য থাকে তা আজকে আমরা নিশ্চিত করছি। এই আইনটি প্রয়োজনীয় সেই উপলভ্যতা, সমতা এবং সমর্থন প্রদান করবে যা আমাদের শিক্ষার্থীদের প্রাপ্য।"

অ্যাসেম্বলি সদস্য হার্ভি এপস্টিন বলেন, "রক্ষণশীল চরমপন্থীরা শারীরিক ব্যক্তিস্বাধীনতা এবং আমাদের দেশের নাগরিক অধিকারকে আক্রমণ করছে কিন্তু নিউ ইয়র্কে আমরা এর প্রতিরোধ করছি। আমরা শুধু গর্ভপাতের অধিকার নিশ্চিত করার জন্য লড়াই করছি না, এই বিধিমালার মাধ্যমে আমরা সীমিত সময়, সংস্থান, ও পরিবহনের সুযোগ থাকা একটি জনগোষ্ঠীর জন্য প্রতিবন্ধকতা অপসারণ করে সেই অধিকার প্রয়োগ করার ক্ষমতাকেও বলীয়ান করছি। এটি গুরুত্বপূর্ণ যে কলেজ বয়সী জনগোষ্ঠীরাই বেশি গর্ভপাত সেবার সন্ধান করে কিন্তু এটি পাওয়ার জন্য তাদের কম সংস্থান রয়েছে। আমরা তা পরিবর্তন করতে পারবো। সেই প্রতিষ্ঠানে শিক্ষার্থীরা বাস করছে, কাজ করছে এবং নিজেদের অবসর সময় কাটাচ্ছে সেখানে যাতে এইসব সেবা পাওয়ার সুযোগ থাকে এই বিধিমালাটি নিশ্চিত করবে। একত্রে কাজ করে নিউ ইয়র্কবাসীদের জন্য এটি করার জন্য আমি আইনসভার নেতৃবৃন্দ, আমরা যেই অ্যাডভোকেটদের সাথে কাজ করেছি তাদের এবং গভর্নরকে ধন্যবাদ জানাতে চাই।"

SUNY চ্যান্সেলর জন বি. কিং, জুনিয়র বলেন, "আমাদের দেশজুড়ে যখন প্রজনন সংক্রান্ত অধিকার হুমকিগ্রস্ত হয়ে পড়েছে, তখন আমাদের শিক্ষার্থীদের সুস্থতার জন্য গভর্নর হোকলের

পাশে দাঁড়াতে পেরে SUNY গর্বিত। আমাদের শিক্ষার্থীদের স্বাস্থ্য ও সুস্থতা সর্বাধিক গুরুত্বপূর্ণ, এবং প্রজনন সংক্রান্ত স্বাস্থ্যসেবা পাওয়ার সুযোগ বৃদ্ধি করতে এবং শিক্ষার্থীরা যাতে জানতে পারে যে তাদের জন্য সেবা সংস্থান উপলভ্য আছে তা নিশ্চিত করতে আমাদের প্রতিশ্রুতিকে গভর্নর হোকলের এই পন্থা অগ্রসর করবে।"

CUNY চ্যান্সেলর ডাঃ ফেলিক্স ভি. ম্যাটোস রড্রিগেজ বলেন, "আমাদের জাতি একটি পরিবর্তনের মধ্যে দিয়ে যাচ্ছে যেখানে প্রজনন সংক্রান্ত অধিকার কেড়ে নেওয়া হচ্ছে, আমরা উপলব্ধি করতে পারছি যে সুবিধাবঞ্চিত গোষ্ঠীর সদস্যরাই সবথেকে খারাপভাবে প্রভাবিত হতে যাচ্ছে। CUNY শিক্ষার্থীদের কাছে প্রজনন সংক্রান্ত স্বাস্থ্যসেবা পাওয়ার সুযোগ থাকা নিশ্চিত করে এই বিধিমালাটি সুরক্ষিত রাখবে যার ফলে তারা নিজেদের শিক্ষাকে অগ্রাধিকার দিতে পারবে এবং নিজেদের জীবনের লক্ষ্যের সাথে সামঞ্জস্যপূর্ণ সিদ্ধান্ত নিতে পারবে।। শিক্ষার্থী এবং সকল নিউ ইয়র্কবাসীর জন্য গর্ভপাত সেবা পাওয়ার সুযোগ সংরক্ষণ ও বৃদ্ধি করতে গভর্নর হোকলের নেতৃত্ব ও প্রতিশ্রুতির জন্য আমরা তাকে ধন্যবাদ জানাচ্ছি।"

গভর্নর হোকল সম্প্রতি [নিউ ইয়র্ক স্টেটের প্রজনন সংক্রান্ত স্বাস্থ্য কেন্দ্র নিশ্চিতকরণ কর্মসূচির](#) মাধ্যমে 1.68 মিলিয়ন মার্কিন ডলার অনুদান প্রদান করার ঘোষণা দিয়েছেন যা স্টেটব্যাপী নিরাপদে প্রজনন সংক্রান্ত স্বাস্থ্যসেবা এবং গর্ভপাত সেবা পাওয়ার সুযোগ নিশ্চিত করতে সাহায্য করবে। ডবস সিদ্ধান্তের পরে নিউ ইয়র্কের প্রজনন সংক্রান্ত স্বাস্থ্যসেবা ব্যবস্থাকে বলীয়ান করার জন্য স্টেটব্যাপী সেবাদানকারীদেরকে [35 মিলিয়ন মার্কিন ডলার প্রদান করার](#) 2022 সালের প্রতিশ্রুতির একটি অংশ হলো এই তহবিল।

###

আরো সংবাদ এখানে পাওয়া যাবে: www.governor.ny.gov
নিউ ইয়র্ক স্টেট | এক্সিকিউটিভ চেম্বার | press.office@exec.ny.gov | 518.474.8418